



In dumënia ai 04 de Novëmbër éł gnü sughé la nona partida dl campionat 2012/2013 de 3° categoria por La Val. La partida é gnüda sugada fora de cíasa cuntra la squadra da Olang, ulache La Val se á bele tres stentè en pü.

La Val se stënta cuntra les squadre plü stletes... ince in chësc iade cuntra Olang mëss La Val lascé trëi punéc.

La partida á metü man dër bun por La Val. Bel tl prüm menüt é Micky che porta Alexander cun en bel passaggio filtrante cuntra le portier da sú. Al fesc finta da trá y rientrëia spo sön le pé dërt. Cun en bel tiro preciso sön le palo cürt éł bun da bater le portier. La pala atoca naota le palo y spo röiel te porta.

La Val süga bun ma i prüms menüc, dopo é Olang che vëgn tres plü bugn. Ai manacia bel dô da na cherdora da fá le pareggio. Sön en rimpallo te area, röia en sogadú dl Olang sön la pala al ne atoca nia dërt mo la pala röia impó bel sön le incrocio de porta. Na gran fortuna por La Val. Püch dedô röia na testa dl Olang sön calcio d'angolo püch sura traversa fora.

Mo amesa le prüm tēmp ti garetel spo le pareggio. Al röia adalerch te area da La Val en bel cross sön le prüm palo. Le atacant vá deciso cuntra la pala y é bun da oje ite le palo te porta. Le defensur da La Val é stè massa tardí y ne é nia plü ruvé sön le pal. 5 menüc dedô éł spo en rigore por Olang. En sogadú se porta ite te area y cun na bela finta el bun da tí jí dlungia ia a en defensur. Spo röiel adalerch l'ater defensur cun na spallada sciürel jö portera le pice atacant. En rigore che an pó dè mo nia netto.

Mo Sepl é bun da chirí fora le dër piz y para insciö. La gran parada de Sepl tëgn cíamò impé la partida.

Mo denant che le prüm tēmp se rōia se ciafa La Val cíamò en gol, indô sön na pala inattiva. Sciöche al é bele sozedü plü gonot. En sogadú da Olang é bel sú te area y mëss ma plü apogé te porta le pal cun le cé. Le prüm tēmp se stlüsc jö sön le 2 a 1 por Olang.

Ti secundo tēmp é La Val che fesc plü druch y Olang sūda ma plü sön contropiedi. La Val prô da costruí les aziuns, mo al ne vëgn nia fora gran ocajiuns da gol. Olang é prësc plü da tumëi, cun sū contropiedi. Mo ince pro vëi ti mancel la finalisaziun.

Micky mëss gní cambié fora, deache al é saltè adüm con en ater sogadú da La Val. Sön chera se al ciafé na gran tega sön le cè y na picia "Gehirnerschütterung".

La partida vëgn tres plü nervosa, al salta deplü gheles por falli de reaziun... che sce l'arbiter éss udü fosel desigü stè da cöcena, sides sön la pert de La Val che da Olang.

La partida se stlüsc jö sön le 2 a 1 por Olang.

Cun chisc 3 puné lascia sön trú toma zoruch La Val al 7° post.

Proscima partida é in mercui ai 07.11.2012 te óiasa cuntra le Percha, le recupero dla partida che ne é nia gnüda sogada por via dla nêi.

□

La formaziun titolara: Kantioler Sepl, Valentin Elmar, Alton Alex, Vallazza Paolo, Castlunger Marco, Miribung Adrian, Sottara Freddy, Sottara Stefan, Tschaffert Ivan, Miribung Alexander y Frenes Micky.

□

Sostituziuns:

Rubatscher Florian por Miribung Adrian

Frenes Egon por Frenes Micky

Valentin Lukas por Miribung Alexander

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)